

欽定盛京通志

欽定盛京通志卷之七十五

國朝人物 十一

鑲藍旗滿洲

欽定盛京通志卷之七十五

國朝人物十一

(鑲藍旗滿洲)

安費揚古。姓覺爾察。隸鑲藍旗滿洲。世居瑚濟
寨。父完布祿。以樸忠事我

太祖。安費揚古克繼父志。自弱冠從征。癸未年。以兵取

薩爾濟城。殲其衆。甲申年。從征兆嘉城。瑪爾墩

寨。皆親冒矢石。爲軍鋒。丁亥年。征討哲陳部。攻
拔洞城。尋攻杭嘉。章嘉。尼瑪蘭。赫徹穆等城。及

香潭寨。並在事有功。癸巳年。從略哈達富勒嘉齊寨。師旋。

太祖躬勦兵以殿。有敵騎躡我後。

太祖還射之。殪其前一騎。後數騎乘間來犯。安費揚古

盡斬之。復同額亦都等。圍訥殷部佛多和山寨。

攻下之。己亥年。從攻哈達城。先登。辛亥年。從征

東海窩集部。破其二路。從征烏拉。寧達拉穆台

吉兵。摧其陣。奮勇登城。樹大纛於上。大軍繼至。

遂滅烏拉。天命元年。七月。偕扈爾漢征薩哈連

部。至烏勒間河。取河南北諸寨。八月。師次黑龍江。江水常以九月始冰。是時。中流忽結冰。若浮梁。約廣六十步。安費揚古曰。此天佑我國也。策騎先涉。衆從之。遂取江北十一寨。三年。從大軍下撫順。明總兵張承廕等赴援。分營爲三。安費揚古擊其左營。大破之。遂乘勝取三岔口諸堡。四年。從破明經略楊鎬兵。滅葉赫。六年。隨取瀋陽。遼陽。皆著績。安費揚古姓貞亮。有勇略。與額亦都等。俱爲開國功臣之首。

太祖嘉其鷙勇。擢一等大臣。佐理國事。

賜號碩翁科羅巴圖魯。七年卒。年六十有四。子阿爾岱。

見忠節傳。達爾岱。初授雲騎尉。嗣因追敘安費揚古功。晉職一等輕車都尉。順治十六年。追諡敏壯。康熙五十二年。

聖祖念安費揚古爲開國勲臣。復

賜三等輕車都尉世職。令其裔孫明岱分襲。

舒賽。姓薩克達。隸鑲藍旗滿洲。生而勇敢。天命四年。從大軍敗明總兵馬林等於尙間崖。尋隨

征哈達。又征瓦爾喀什。皆有功。每攻城。

太祖愛其勇。戒勿先登。舒賽益奮勉。輒衣綿甲。奮身直前。先後攻克十六城。加二等輕車都尉世職。晉爵至三等男。

太宗卽位。擢置十六大臣之列。天聰元年。從征朝鮮。凱旋。率師駐防義州。八年。從貝勒濟爾哈朗。留守盛京。崇德六年。以疾卒。順治十二年。追謚壯敏。立碑墓道。子西蘭隨入關。追討流賊李自成。由陝州克潼關。三戰皆捷。又從征江南。福建。皆有功。

孫錫特庫。從征明前屯衛。及敗李自成於延安。追勦至安陸。並著有戰功。

武巴海。姓瓜爾佳。隸鑲藍旗滿洲。世居烏拉。天命初。從征尼堪外蘭。有功。授佐領。天聰元年。從征朝鮮。以二次登城功。受賞。從征錦州。明兵來犯武巴海。殿後力戰。敵騎遁走。五年。同蒙阿圖征瓦爾喀。降其部。凱旋。

太宗郊迎宴勞。六年。征察哈爾及明旅順口。皆破敵紀。功復將兵征烏扎拉。俘獲甚多。七年。往征瑚爾

哈部。及瓦爾喀部。皆降其屯部。奏冒功。九年。從貝勒岳託駐歸化城。追獲蒙古逃人。崇德元年。喀穆尼罕部。葉雷等叛去。武巴海率兵追之。數十日無所見。遇宿鴈三。射其一。鴈負矢而飛墮。往取之。見賊營遺火。躡其蹤。追及之。葉雷遁入山。武巴海發矢射之。葉雷將注矢。有狐起於前。觸葉雷弓。弓墜。遂殪葉雷。并誅其黨。

太宗嘉其功。超晉三等子。

賜衣服僕馬莊田。四年卒。

喀三。姓納喇。隸鑲藍旗滿洲。先世居葉赫蘇完。
天命四年。來歸。

太祖察其才。官以佐領。六年。從取瀋陽。遼陽。以功。授三等輕車都尉世職。九年。明總兵毛文龍遣兵來犯。額駙康果禮與喀三率所部往援。斬守備二。殲其衆。天聰六年。征從察哈爾。偕前鋒統領勞薩先驅。林丹汗驚遁。八年。晉爵三等男。以目疾請解職。乃以其子納海代爲佐領。順治二年。

世祖念喀三舊勞。晉爵一等男。三遇

恩詔。晉二等子。十二年卒。

賜祭葬。立碑墓道。謚曰敏壯。納海既任佐領。旋授前鋒

參領。從征大同。與同官錫特庫等。敗明兵於陽和。斬級二百。獲馬六十餘。還軍宣府。設伏擒其遊騎。天聰九年。大軍復征大同。偵軍事於上都。城。與叅領鄂謨克圖等。齎書至明境。

諭喜峯口逆西諸邊將。及還。遇其哨卒。俘斬百餘人。崇

德二年。與錫特庫至廣寧。擒錦州哨卒十二。斬其九。俘其一。縱二人還。俾齎書。

諭明總兵祖大壽。四年。從攻松山城。祖大壽遣兵赴援。

自寧遠乘舟趨杏山。將入城。納海自後薄斬五十人。獲甲四十及舟一。尋略杏山錦州。獲牲畜無算。五年。大軍圍錦州。納海擊斬其築臺者四十人。刈草者四十二人。敗其騎兵三百。徇小凌河。斬大壽所遣蒙古十七人。自錦州至者。六年。明總督洪承疇集援兵於松山。

太宗親統師圍之。承疇分兵犯前鋒汛。納海擊卻之。既而明兵自杏山走塔山。納海率衆邀擊。追至筆

架山。斬級四百。率燾六。生擒二十八人。獲馬二百餘。七年。錦州下。敘功。予雲騎尉世職。是年冬。署前鋒統領。從貝勒阿巴泰入黃崖口。趨薊州。擊敗明將白騰蛟白廣恩兵。遂下山東。順治中。三遇。

恩

詔。晉世職至三等輕車都尉。及喀三卒。應襲二等子。

併襲爲二等伯。十七年卒。弟納沁襲。

沙爾瑚達。姓瓜爾佳。隸鑲藍旗滿洲。世居瑚爾

哈。

太祖時從其父桂勒赫來歸。天命十年。從征瓦爾喀部。以功。授騎都尉世職。天聰元年。從攻錦州。累戰皆捷。三年。大軍征明。入紅山口。拔遼化州。抵北京。沙爾瑚達敗其郭外兵。嗣數率遊騎入明邊。往來錦州松山杏山之間。俘獲甚多。大凌河之捷也。明總兵祖大壽降。請歸錦州爲內應。既而背其言。八年。我

太宗遣大臣略地至錦州。且書遣大壽。恐不能達。召沙爾瑚達。授以方略。令襲取守烽堠。卒。付之。

勅書。如無所獲。卽懸於十三站山坡。沙爾瑚達輕騎往。未遇敵。懸書而歸。九年征黑龍江部。及赴錦州偵軍事還。皆獻俘獲。崇德九年。從征朝鮮。敗敵於南漢山城。三年。以兵獲我往土默特貿易之衆於歸化城。敗明兵於紅山口。四年。率前鋒兵趨義州。入寧遠北界。設伏誘敵。擒其樵採者以歸。七年。討瑚爾哈部。招降喀爾喀木等十屯。俘獲無算。奏捷。受上賞。順治元年。征庫爾喀部及黑龍江。多斬馘。復追擊流賊李自成於潼關。二

年。隨攻取江寧杭州。所在力戰。論功。晉一等輕
車都尉。駐守東昌。剿平土賊。五年。討叛鎮金聲
桓有功。六年。剿平河間流寇。加世職三等男。累
遇

恩。詔加至一等男。七年。駐防寧古塔。十五年。擊敗俄羅
斯兵。俘其渠卒。十六年。卒於鎮。追贈太子太保。
諡襄壯。立碑加例。子巴海襲。
固三泰。姓納喇。葉赫都長錦台什之族人也。

太祖時來歸。隸滿洲鑲藍旗。任佐領。尚公主爲固倫額

駙。從大軍攻廣寧。單騎先陷陣。身被數創。戰愈力。

太宗御極。擢都統。天聰元年。從征朝鮮。三年。從克遼化。

明年。取永平。灤州。並有功。五年。以不能鈴束七卒。罷都統任。專管佐領事。順治元年。卒。子明阿圖。以佐領從入山海關。殿一軍。累官副都統。加世職至三等輕車都尉。八年。卒。

瑚什布。亦錦台什之族人。也。

太祖時來歸。隸滿洲鑲藍旗。初爲佐領。尋任侍衛。兼參